




Future-proofing our children

Sekolo sa Tshipi 2

Setlhogo

Toro ya ga Jacob

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Toro ya ga Jacob**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang ban aba sekolo sa Tshipi) <i>Ela tlhoko:</i> 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tseledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (Bana ba sekolo sa Tshipi). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlhologanye. Lebelela setshwantsho sa motshikinyego go re o tlhologanye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya sekolo sa Tshipi mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhologanya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng.



Thuto

Setlhogo	Toro y aga Jacob
Temana	Genesis 27: 41-46 and Genesis 28
Maikaelelo a thuto	Bana ba ithute gore Modimo o gaufi le rona gape o a re segofatsa.

Tshoboko ya thuto:

- Esau o ne a ila mogolowe Jacob ka gore o ne a mo utswela botsalwa pele jwa gagwe e bile o ne a re o a mmolaya morago ga lesa la ga Isaac.
- Rebekah o ne a utlwa se mme ene le Isaac ba raya Jacob go siela kwa , Mesopotamia, mme a fitlhe a nyale mosadi teng.
- Fa a ntse a sia, a ema a tsaya lentswe a le sama a robala.
- Bosigo joo a lora toro e makatsang. A bona leri e pagamela ko legodimong mme baengele ba Modimo ba pagama babo ba gologa ka yone.
- O ne a bona Modimo a eme fa tlhoko ga gagwe, “Ke nna Morena Modimo wa ga Abraham le Isaac, ke tla go neela lefatshe le o robetseng mo go lone wena le dikokomana tsa gago. Dikokomana tsa gago di tla ntsifala. Ka wena batho ba lefatshe bat la segofadiwa. Ke tla go segofatsa ke go babalela gongwe le gongwe ko o yang teng.”
- Moso o o latelang Jacob a tsoga a itumetse thata a ba a baya lentswe le a neng a le samile jaaka segopotso, a ba a le tshela lookwane. O ne a bitsa lefelo le “Beth-El”, go tewa “Ntlo ya Modimo”.
- Jacob a dira maikano mo Modimong: “Fa wena o le Modimo o na le nna, e bile o mpha se ke se jang le diaparo, go fitlhela ke boela mo ntlung y aga Rara ka kagiso, foo o tla nna Morena Modimo wa me. Lentswe le le ke le dirileng segopotso e tla nna ntlu ya Modimo: mm emo go tsotlhe tse o tla di nneelang, ke tla go fa lesome la tsone.”

Thuto e e re ruta eng?



- Le. Fa re kabo re dirile bosula, Modimo o ntse o na le rona, ga re nosi
- Re bana ba Modimo mme o tla nna a re babaletse, Ga a kitla a re tlogela, se se botlhokwa ke gore re nne le tumelo mo go ene.
- Re tshwanetse go nna re leboga Modimo e bile re mo fa lesome la tse re nang natso.

Dipotso tse re ka di botsang:

1. **Modimo o solofeditse Jacob eng?**
A: Lefatshe le lentsi, dikokomana le pabalelo
2. **O tsaya gore Jacob o ne a ikutlwa jang moso o o latlelang?**
A: O ne a itumela mo a ileng a dira segopotso ka lentswe le a neng a le samile.
3. **A o ntsha dikatso, le gone o tsaya gore go botlhokwa?**
A: A ngwana a arabe

Thapelo ya ga mme le rre go e rapela pele ga thuto:

Modimo o rategang, ke lebogela letsasti le

Segofatsa batsadi le bana botlhe

Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla

Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipaakanyeditse go mo kgatlhantsha

Amen